

# Huon

## Partage de biens en Ploudiry, Guisseny et Dirinon (1653)

Ce document est issu du chartier de Kerézellec, il règle le partage entre Alain Huon, seigneur de Kerézellec, et sa soeur Marguerite, dame de Kerhuon, des successions de leurs parents autre Alain Huon, seigneur de Kerézellec, et Jeanne de Lesguern, sa seconde femme.

Du 24<sup>e</sup> aoust 1653

Coppie de partaige d'entre le seigneur de K/ezellec et la dame de K/huon sa soeur

Contracts de partages et de mariage avec quelques atieptes de partaiges <sup>1</sup>.

Guern ar Piquet ou Launay Piquet est qualifié de noble <sup>2</sup>.

[Signé] Hervé Buffon <sup>3</sup>

[folio 2]

Le vingt et quatriesme jour d'aoust mil six cents cinquante et trois après midy au mannoir de K/esellec, parroisse du Trehou, y ont comparu de leurs personnes devant nous nottaires royaulx de Leon à Lesneven o soubsmission à icelle etc., messire Allain Huon, seigneur de K/esellec, Lesguern etc., residant en son mannoir de K/esellec audict Trehou, d'une part, et damoiselle Margueritte Huon, dame douariere de K/huon, sa soeur, demeurante en la ville de Saint Rennan tous en l'evesché de Leon, d'autre part.


Entre lesquelles parties a esté cognu que contract de partaige se seroict ensuivy entre eux le vingtiesme novembre mil six cents quarante et trois devant Melegan, notaire royal à Saint Renan, touchant la succession noble

1. *Ce second titre d'une autre main, probablement ajouté a posteriori, semble se référer à l'ensemble de la liasse, dont le partage ici transcrit en est le premier document.*
2. *Cette phrase est d'une troisième main*
3. *Cette signature nous semble être de la première main, de même que le reste du document.*

■ Source : Archives départementales du Finistère, 32J1, Chartier de Kerézellec.

■ Transcription : **Armand Chateaugiron** en janvier 2021.

■ Publication : **www.tudchentil.org**, décembre 2021.



de feu aultre messire Allain Huon leur pere, tant de son entien patrimoine que des acquets par icelluy faicts, tant pendant ses mariaiges avecq feues damoiselles Marye Forget qu'avecq Janne Lesguern, heritiere dudict lieu, que pendant sa viduitté, et mesme de la succession d'icelle Lesguern, tellement que par ledict contract ladicte dame de K/huon recognoissoit, ce qu'elle fait encorre à presant, avoir esté bien et debvement partaigée pour les successions cy dessus exprimés, ainsin qu'il est plus emplement exprimé par ledict contract y recourer par lequel lesdictes parties auroinct fait expresse reservation de se partaiger après depuis <sup>4</sup> ladicte succession tant mobiliere qu'immobiliere de ladicte feu damoiselle Janne Lesguern, sittuée en la parroisse de Guisainy, treffve de Saint Fregan, d'aultant que ledict mannoir de Lesguern despandant de la succession de ladicte Lesguern leur mere estoit ocupé avecq ses appartenances et despandances par escuier Gabriel du Baudiez, sieur du Rest, fils en premieres nopces de ladicte Lesguern avecq escuier Jacques du Baudiez, père dudict Gabriel.

Pour l'esligement de laquelle succession, ledict seigneur de K/esellec en privé, et faisant pour ladicte dame de K/huon suivant sa procure du vingt et sixiesme mil six cents trente cinq, auroit intanté action de partaige mobillier et immobillier vers ledict sieur du Rest, et ladicte action poursuivie tant en la jurisdiction de Landerneau, Lesneven, qu'au parlement de ce duché, où il se soint randus nombres de santances tant judiciaelles qu'arbitraires et arrests.

Et deceix estant arrivé audit sieur du Rest, ladicte dame de K/huon auroit d'abondant baillé procure audit seigneur de K/esellec par action du sixiesme febvrier mil six cents quarante quatre, de reprise desdictes instances et poursuites mesme pour le lieff de la saisye faite apposer par escuier Allain du Rest, sieur dudict lieu, sur ladicte terre de Lesguern et sur celle du Rest Baudiez, et aultres biens appartenants audit feu sieur du Rest. Et en suite de laquelle procure et privé et en ladicte qualitté auroit poursuivy lesdictes instances et jugements tant vers feu escuier Claude du Baudiez, fils et seul herittier audit feu sieur du Rest, que vers ledict sieur du Rest Plouvian, en laquelle reprise seroict intervenu instance en ladicte cour royale de Lesneven, par arrest du douziesme juillet mil six cents quarante neuff, ledict partaige auroit esté jugé entre parties pour icelluy immobilier estre fait par priseurs et parleurs dont les parties eussent convenu en execution du premier arrest, ledict seigneur de K/esellec auroit fait proceder audit prisage et à l'estimation des certaines des reparations de ladicte maison de Lesguern, et ce fait ladicte terre de Lesguern seroict demeurée audit seigneur de K/esellec, damoiselles Janne, Catherine, [folio2v] Guillemette, Renée et Margueritte Huon, dames du Penher, de K/brat, K/oudy et K/huon ses sœurs audit seigneur de K/esellec, sauff à icelle maison et aultres biens desdictes successions à partaiger noblement entr'eux aux termes de la coutume.

Et pendant lequel prisage deceix seroict arrivé à ladicte dame de K/oudic

---

4. *Lecture de ce mot incertaine.*

sans hoirs de son corps, ainsin sa succession vennoict directement au paternel et maternel audit seigneur de K/esellec son aîné, et pour les arrerages dudict partaige entre tout, à ledict seigneur et dames ses sœurs, et aussi avecq la dame de Belor leur my soeur, et d'aültant qu'il est recogneu par ladicte dame de K/huon que ledict seigneur son frere a enthierement fait tous les fraicts et avances tant desdites suites prisage et assiepte dudict partaige et encore les fraicts qu'il l'on a convenu faire pour le lieff de la saisye faicte apposer par l'auctoritté de la chambre sur ladicte terre de Lesguern, et en plusieurs instances encore pandantes, affin de rapport des jouissances, et en genneral tout ce quy conserne l'esligement desdites successions tant exprimée que à exprimer.

Lesdictes parties ont amiablement accordé et transigé, par transaction irrevocable de forme, pour que ledict seigneur de K/esellec d'estre et demeurer subrogé en tous les droicts mous, raisons et actions de lasdite dame de K/huon, en ladicte succession tant mobiliere qu'immobiliere de ladicte feu de Lesguern, sa mere, comme aussi en sa cotte par des juges que ledict seigneur de K/esellec a peu obtenir ausdictes instances, et en sa part des arre-raiges à elle deubs du partaige de ladicte dame de K/oudic, le tout sans aucune reservation, à ledict seigneur de K/esellec, baillé, delaissé et transporté à ladicte dame de K/huon sa sœur, avecq promesse de garantaige les heritaiges cy après pour icelle dame, ses hoirs ou causeyants, en pouvoir jouir et disposer de ce jour et à jamais, neanltmoigns garnis, de la levée à la Saint Michel prochain.

Sçavoir est

En la parroisse de Ploudiry, treff de Loquiguiner, un lieu et convenant appellé K/radamec avecq ses logements couverts de bleds <sup>5</sup>, iceux de ses appartenances, futaies et arbres de decoration, sans reservation, tenu en ferme par Guillaume Sallaun et consorts, trouvé mouts par prisage la somme de soixante unze livres dix sept deniers, tenu du fieff dudict Landerneau, soubz les charges entiennes que ladicte dame acquictera pour l'advenir,

Plus six parc terre froide sentré tennant sittäés aux terrouers de Goazanbleiz et Lishouarn en la paroisse de Guisiny appelés l'un parc Bichan et aultre Landeruen, deux aultres parcou K/iber, aultre Goazanbleiz, et l'aultre parc Lishouarn avecq leurs droicts de fossés et servittudes, revenants des fieffs du seigneur baron de Penmarch et de la seigneurie de Penhoat K/sauzon, soubz telle charges qui pourront estre deubs que ladicte dame acquictera pour l'advenir, vallant en prisage vingt et neuff livres unze sols cinq deniers tournois.

Plus les droicts et interests que a acquis ledict seigneur au lieu noble de Launay Biquet, parroisse de Dirinon, lesdits droicts tenus en ferme soubz ledict seigneur de par François Le Morvan et consorts, pour en payer par an vingt et quatre livres tournois, tant du fieff de Daoullas, soubz telles charges qui pouroinct estre deubs que ladicte dame aquictera pour l'advenir.

5. *Lecture de ce mot incertaine. S'agirait-il de toits en chaume ?*

Et oultre a ledict seigneur presantement et rellement payé ... <sup>6</sup> de ... à ladicte dame de K/huon la somme de troys cents livres tournois en louis d'or et d'argent de nouvelles fabrication et aultre monnoye ayant cours suivant le dernier edict, laquelle somme elle a pris et avecq elle emportée, dont elle quicte ledict seigneur de K/esellec, et se tient pour bien et debvement partaigée et bien payée desdits droicts et interests ausdits successeurs, par ce qu'elle demeure aussi par cestes quicctes de tels fraicts advenus et vacquations que ledict seigneur son frere eust peu vers elle pretendre pour les causes susdittes, aussi sans reservation consantant icelluy seigneur de K/esellec que ladicte dame prenne possession [*folio 3*] aux herittages cy dessus et s'y approprie sy elle void ce devoir faire.

A laquelle fin ledict seigneur nomme gré et institue à ses procureurs generaux et spéciaux Me ... <sup>7</sup> et checun o tout pouvoir au cas requis et pertinent l'adjudge de court payer et à droict estre sy mestier est, avecq promesse que fait lesdits seigneur et dame de K/esellec et de K/huon de ne venir encontre des presantes directement ou indirectement sur obligation, gaige et hipotecque de tous et checuns leur biens meubles et immeubles presants et futurs et par leurs sermants se tenants dès à presant pour tous sommés et requis, et par ce que desdits seigneur et dame, ont ce que dessus ainsin voullu gré et consantis, ce tenir et y ont estés de nous nottaires à leurs requestes, jugés et condempnés de l'auctoritté de ladicte cour sous leurs signes et et les nostres, ladicte dame de K/huon, en tant que besoin rennonçant à tous droicts et privileiges introduicts en fabveur des femmes, lesdits jour et an, ainsin signé A. Huon, Margueritte Huon, Y. Le Moign notaire royal, E. Laigle aultre notaire royal registrateur.

Interligne « a ledict » approuvé.

[Signé] Laigle notaire royal, Le Moign notaire royal.

---

6. *Nous n'avons pu lire ce mot, de même un peu plus loin.*

7. *Ainsi en blanc.*